

LOU BRÛSC

JOURNAU POUPULARI DE LITERATURO, D'ISTORI E DE SCIENCI

PAREISSÈNT TOUTEI LEI QUINGENADO

Depausitàri majourau pèr Marsiho : *A la Librairie des Bons Feuilletons*, 50, carriero de la Darso 50

Abonnamen
3 fr. e mie pèr an pèr touto la Franco.
Fourero Franco, lou port en subre, çò
que revèn à 3 fr.

Tout çò que touc lou journau dèn
èstre manda afranqui à l'Empremarié
Prouvençalo, 13, carrièro dôn Grand-
Relôgi, à-z-Ais.

Lei plé nonn afranqui saran refusa.
Leis article nonn luseri saran pas
rendu.

TAUL ETO

PASSO-TÈMS. — Un mot de Louis XIV. — *O. M. D.*

POUESIO. — A travès plaro e moult. — *Marius Dumas*. — Matiéu de la Droumo. — *Marius Bourrelly*. — à Frédéri Mistral. — *Déville*

REMEMBRANÇO. — dôn 31 d'outobre au 13 de
novèmbre. — *L. A. Gardaire*.

CRONICO. — La Soucieta de Four-cauquié. —
novo de touto meno.

REVIRAMEN. — La Granjo dei Fado. — *Jan de la
Baumo*. — (*A. Savine*).

FURIETOUN. — Pèire de Prouvènço e la bello Ma-
galouno.

PASSO-TÈMS

UN MOT DE LOUIS XIV

En l'an 1660 e au mes de Mars, Louis XIV
après la pas dei Pirenèu venguè à Marsiho, n'en
reçaupre lei clau dei man de Moussu de Pilles
gouvernaire dôn Castèu d'I. Adoubè quauques
affaire proum dalica, decidè la construcion dôn
fort Sant Micoulau e après cinq jour (dôn 2 au
7 de mars) si remetè en viage pèr ana à la
Santo Baumo prega coumo si dèu sus lou Cros
de la Madaleno.

Tout acò èro bèn, èro bèu, e lei Prouvençau
trefouli li faguèron, pensas, de bellei fèsto dins
tout caire cantoun. Totei lei coumuno, vilo, vi-
lâgi, mai que mai afeciouna anavon en d'avans

e voulien vèire lou Rèi; mai, va fau dire, dins
aquei afougamen generau, fuguè Soulié, entre
touti, que subretout si djistinguè, anas vèire :

Adouc Louis XIV, emé lou Cardinau Mazarin,
la Rèino Maire, lou Duque d'Anjou e uno tiero
brihanto d'ouficié e de gentilome de tout rèng,
de touto meno, arrivè à Soulié, viloto char-
manto que lou souléu poutoumejo de sei rai lei
plus caud e lei plus amistous. Lou pople, que
la bèuta, la jouinessò e la grandour enebriou
de joio, de bouenur, de trefoulimen, faguè,
peusas ben, au jouine Rèi tant poulidet, tant
avenènt (avié alor pas mai de 22 an) uno recei-
cien calourento e magnifico. Li faguè leis *Ouliveto*,
lei *Fierouè*, lei *Chivau-Frus* e d'autre regali-
men que plaseron forço au Rèi em'à touto sa
court; M. de Fourbin, qu'èro alor lou Segneur
de Soulié, tratè perèu lou Rèi em'uno courtesio,
uno galantarié, uno magnificènci que soun pas
de crèire; Louis XIV n'en fouguè encanta e d'un
bouen mot, que nous resto, recoumpensè l'aflat,
l'amistingo de la viloto e lou bèu zèlo de M. de
Fourbin en disènt à-n-aquèu Segneur :

« Moussu, avès, si pòu dire, un bèu *Soulié*,
« e vous assegùri que se n'avias un segound
« ansin, serias bèn lou mies caussa de tout moun
« Rèiaume. »

Aquèu mot gracios, tant poulidet e courous,
la Renoumèto lou prenguè sus seis alo, l'esbru-
dissè dins touto la Franco e l'istòri lou gardo.
Mai es à Soulié subretout que si counserve
em'afecien e que vièura toustem.